

EPISTOLARVM  
 MEDICINALIVM, CON-  
 RADI GESNERI, PHILOSOPHI  
 ET MEDICI TIGVRI-  
 NI, LIBRI III.

HIS ACCESSERVNT EIVS-  
 dem Aconiti primi Dioscoridis Assseueratio, &  
 De Oxymelitis Elleborati vtriusq; descriptione  
 & vsu Libellus. Omnia nunc primùm per CA-  
 SPARVM VVOLPHIVM Medi-  
 cum Tigurinum, in lucem data.



TIGVRI EXCVDEBAT CHRISTOPH.  
 FROSCH. ANNO M.D.LXXVII.

In pestis curatione, si quid utile expertus es aut experieris, communi mihi: vndique enim viciniam meam inuasit, & agrotantes aliquot ego subinde inuiso ac periclitor, nisi Deus me seruet: Commendo me precibus tuis. Ego vicissim; si petas, maiori ocio, de nostris obseruationibus aliquid ad te dabo. Vale in Domino. Tiguri 1564. Septemb. die 24.

CONRADVS GESNERVS TAD

*deo Duno Locarnensi  
medico.*

16.

Accepi mi D. Dunc, quæ misisti ab Aloisio Mundella: & gratias habeo, respondebo autem illi, vbi certior fuero de Theatro ipsius, quando tandem sit absoluendum, & an seorsim, quod ipse cupit, & ego satago. Hinc Basileam ad Typographum scribam, ac simul eius literas mittam. Quod si commodus eius nuncius nunc aut breui contigerit, has ipsas velim ad Mundellam mitti: ijs enim acquiescet, donec certius scripsero. Nunc enim in Thermis plura mihi scribere permolestum est. Ischias mea paulo leuius habet, sed iam ante Thermas (vt scis) remittebar, integram restitutionem vix spero: fiat voluntas Domini. Fortè etiam D. Mundella his cognitis, aliquid consilij aut remedij ad hunc morbum dabit. Vale. Badæ apud inferos, sic enim Thermas, quibus vtor, vocant. Augusti die 20. Anno 1560.

CONRADVS GESNERVS IOANNI

*Fabricio Montano, Curiensis ecclesie ministro.*

Mitto vnciam theriacæ nostræ, ea modo recentior, modo antiquior à medicis laudatur, pro affectuum discrimine. Ego mediam tibi magis conuenire puto, eamq; mitto. De illa sumere poteris drachmæ, id est, aurei nummi pondus, admixto modo dico vino albo generoso, in quo pulegij ramuli tres aut quatuor cæperint effervere semel aut iterum: vel ipsa pulegij aqua admixta, si bona & quæ pulegium redoleat, reperitur. Sumes autem diluculo, ita vt horis minimum quatuor postea ieiunes, neque quotidie, sed secundo aut tertio modo die sumes, & si fortè vt sit aliquando, somniculosum te faciat, abstineto eodè die quod concionandum tibi fuerit. Tempestiuior eius vsus, vbi dolor aliquis, aut aliud morbi indicium se prodir. Si aluum fortè sisti ab ea animaduertas, alio die medicamento aliquo emollienda erit.

EPIST. CONRADI GESNERI

præsertim leuioribus pilulis, quas sine cura vocant. Sed his in rebus vestros quoque medicos consules. Vterque pharmacopola noster probè parant hanc antidotum, singulis expositis, vt medici omnes spectent & iudicent ante compositionem: ea quam nunc mitto, à Sebastiano nostro confecta est, quam pro munusculo dono, nec est quod pro tantillo gratias agas: aliàs, si voles, mittam alterius pharmacopolæ: interest enim non nihil, quoniam pro opobalsamo, non eundem liquorem admiscuerunt, &c. Coronastrum baccas & seseleos speciem, cum commodum erit mittes, ante hyemem & niues: sin minus, expectandum erit vernum tempus. Vale. Tiguri 1560. Octob. die 25.

CONRADVS GESNERVS IOHANNI

*Fabricio Ecclesiæ Curiensis ministro.*

PRO ijs quæ per affinem meum misisti, D. Fabrici, gratias habeo maximas: ex ijs rarus mihi fuit frutex, cui folia sunt coronei maliferè, vnde coronastrum, vel cydonaginem appellarim, supina parte candicantia non sine lanugine, rotunda ferè, baccis rutilis, siccis, carne & succo nullis, seminibus intus quaternis triangularibus. Is quidem qualis quantusq; sit frutex, per ocium pluribus mihi describi velim, & semina pauca maturiora mitti. Breuius hæc & inconditè scribo, propter ischiadem mihi recentem, quo malo totum crus dextrum obstupefactum mihi est non sine molesto dolore. Alter erat frutex, nigricantibus, rotundis pomis potius quàm baccis, succo dulci dilutoq; plenis, vmbilicatis, myrti baccarum similitudine: qui etiam in Albio nostro crescit, sed fructum hæctenus maturum, nondum obseruaueram. huius etiam semina, si occasio ferat, hoc est, poma maturiora pauca mihi leges. Itali puto quidam Pyrum ceruinam nominant. Ego quia antiquum nomen non inuenio, Myrtomalidè aut Petromelidem tantisper nominabo. Picturam eiusdem accepi, vt hodie à Theodoro affine tuo, Sedi parui cuiusdam: quanquam id Sedum non est, sed Linariæ vulgò dictæ species, nam anno superiore in hortò mihi creuerat. Amplissimo D. Regis Gallorum Legato, libros nostros non ingratos fuisse, gaudeo, tu meo nomine officiosissimam ei salutem dices: & quòd non scripserim, valetudinem excusabis: gratias quoq; ages pro liberalitate eius in pictorem, qui quanquam imperitior mihi videtur, quàm vt accuratè pingat, tamen in rarioribus pingendis, mihi satisfaceret, sed quoniam pleræque stirpes